



UNDANG-UNDANG MALAYSIA

Akta A1346

AKTA SARAAN HAKIM (PINDAAN) 2009

Tarikh Perkenan Diraja ... 6 Januari 2009

Tarikh penyiaran dalam *Warta* ... 8 Januari 2009

Hakcipta Pencetak (H)

PERCETAKAN NASIONAL MALAYSIA BERHAD

Semua Hak Terpelihara. Tiada mana-mana bahagian jua daripada penerbitan ini boleh diterbitkan semula atau disimpan di dalam bentuk yang boleh diperolehi semula atau disiarkan dalam sebarang bentuk dengan apa jua cara elektronik, mekanikal, fotokopi, rakaman dan/atau sebaliknya tanpa mendapat izin daripada Percetakan Nasional Malaysia Berhad (Pencetak kepada Kerajaan Malaysia yang dilantik).

UNDANG-UNDANG MALAYSIA

Akta A1346

AKTA SARAAN HAKIM (PINDAAN) 2009

Suatu Akta untuk meminda Akta Saraan Hakim 1971.

[]

DIPERBUAT oleh Parlimen Malaysia seperti yang berikut:

Tajuk ringkas dan permulaan kuat kuasa

1. (1) Akta ini bolehlah dinamakan Akta Saraan Hakim (Pindaan) 2009.

(2) Seksyen 7 dan subseksyen 8(1), (2) dan (3) mula berkuat kuasa pada 1 Januari 2009.

(3) Seksyen 2 dan 6 dan subseksyen 8(4) disifatkan telah mula berkuat kuasa pada 1 Januari 2008.

(4) Pindaan dalam seksyen 3, 4 dan 5, setakat yang berhubungan dengan—

(a) penyusutan amaun pencen terbitan kepada tujuh puluh peratus selepas tempoh dua belas tahun setengah, mula berkuat kuasa pada 1 Januari 2009; dan

(b) kehendak pemastautinan di Malaysia, disifatkan telah mula berkuat kuasa pada 1 Januari 2008.

Pindaan seksyen 1A

2. Akta Saraan Hakim 1971 [*Akta 45*], yang disebut “Akta ibu” dalam Akta ini, dipinda dalam seksyen 1A dengan memotong takrif “bermastautin di Malaysia”.

Pindaan seksyen 10

3. Seksyen 10 Akta ibu dipinda dengan memotong subseksyen (2).

Pindaan seksyen 11

4. Seksyen 11 Akta ibu dipinda dengan menggantikan subseksyen (1) dengan subseksyen yang berikut:

“(1) Jika seseorang Hakim mati dalam atau selepas tempoh dua belas tahun setengah dari tarikh persaraannya, Yang di-Pertuan Agong boleh memberi suami atau isteri atau anaknya, atau suami atau isteri dan anak itu, kedua-duanya, mengikut mana-mana yang berkenaan, pencen terbitan mengikut hak Hakim itu.”.

Pindaan seksyen 11A

5. Seksyen 11A Akta ibu dipinda dengan memotong subseksyen (2) dan (3).

Pindaan seksyen 15A

6. Seksyen 15A Akta ibu dipinda—

(a) dalam subseksyen (1)—

(i) dalam perenggan (b), dengan menggantikan koma di hujung perenggan itu dengan noktah; dan

(ii) dengan memotong perkataan “dan yang bermastautin di Malaysia.”; dan

(b) dengan memotong subseksyen (2) dan (3).

Penggantian Jadual Keempat

7. Akta ibu dipinda dengan menggantikan Jadual Keempat dengan jadual yang berikut:

"JADUAL KEEMPAT**[Subseksyen 15B(3)]****FORMULA PENYELARASAN BAGI PENCEN
TERBITAN ORANG TANGGUNGAN***Jenis Faedah**Formula*

Pencen terbitan hendaklah dibayar atau adalah kena dibayar untuk seumur hidup—

- | | | |
|---|---|---|
| <p>(a) dari tarikh sebaik selepas tarikh kematian Hakim itu dalam perkhidmatan pada atau selepas 1 Julai 1980; atau</p> <p>(b) dari tarikh sebaik selepas tarikh kematian Hakim itu dalam persaraan pada atau selepas 1 Julai 1980.</p> | } | <p>$\frac{1}{360} \times \text{bilangan bulan perkhidmatan (tertakluk kepada tidak lebih daripada 180 bulan)} \times \text{gaji bersamaan yang akhir diterima; tetapi amaun pencen terbitan, sebagaimana yang diselaraskan, yang dibayar atau kena dibayar apabila Hakim itu mati dalam perkhidmatan atau dalam persaraan di bawah perenggan 8(d) atau di bawah seksyen 8A tidaklah boleh kurang daripada } \frac{1}{5} \text{ daripada gaji bersamaan yang akhir diterima oleh Hakim itu.}''$</p> |
|---|---|---|

Peruntukan kecualian dan peralihan

8. (1) Tertakluk kepada subseksyen (2), mana-mana orang tanggungan Hakim yang layak diberikan penyelarasan pencen terbitan di bawah Akta ibu sebelum 1 Januari 2009 tetapi penyelarasannya itu tidak dibuat sebelum tarikh itu, pencen terbitan itu hendaklah diselaraskan sehingga 31 Disember 2008 sebagaimana yang diperuntukkan dalam Jadual Keempat seolah-olah Jadual itu tidak dipinda melalui Akta ini.

(2) Pencen terbitan mana-mana orang tanggungan Hakim hendaklah mulai 1 Januari 2009 dikira berdasarkan Jadual Keempat sebagaimana yang dipinda oleh Akta ini dan hendaklah kena dibayar mulai tarikh itu.

(3) Bagi mana-mana orang tanggungan Hakim yang pencen terbitannya telah diselaraskan sebaik sebelum 1 Januari 2009, pencen terbitan itu hendaklah mulai tarikh itu dikira berdasarkan Jadual Keempat sebagaimana yang dipinda oleh Akta ini dan hendaklah kena dibayar mulai tarikh itu.

(4) Dalam hal penghapusan kehendak pemastautinan di Malaysia, pemberian pencen terbitan sebelum 1 Januari 2008 hendaklah berdasarkan Akta ibu seolah-olah Akta ibu tidak dipinda oleh Akta ini dan pemberian pencen terbitan itu hendaklah berdasarkan pindaan yang dibuat kepada Akta ibu oleh Akta ini hanya mulai 1 Januari 2008 dan hendaklah kena dibayar mulai tarikh itu.